

## Z A P I S N I K

sa VI elektronske sjednice Vijeća Građevinskog fakulteta Univerziteta u Sarajevu, održane dana 10.05.2021. godine, sa periodom izjašnjavanja od 10.00 do 12.00 sati.

**Članovi Vijeća Građevinskog fakulteta (pozvani putem e-maila):**

**Nastavnici i saradnici:**

Prof.dr. Zoran Milašinović, Prof.dr. Adnan Ibrahimbegović, Prof.dr. Mustafa Hrasnica, Prof.dr. Esad Mešić, Prof.dr. Samir Dolarević, Prof.dr. Emina Hadžić, Prof.dr. Azra Kurtović, Prof.dr. Admr Mulahusić, Prof.dr. Đenari Čerimagić, Prof.dr. Amra Serdarević, Prof.dr. Suvada Šuvalija, Prof.dr. Emil Ilić-Georgijević, Prof.dr. Naida Ademović, Prof.dr. Medžida Mulić, Prof.dr. Mirza Pozder, Prof.dr. Sanjin Albinović, Prof.dr. Nedim Tuno, Prof.dr. Goran Simonović, Prof.dr. Jusuf Topoljak, Doc.dr. Esad Vrce, Doc.dr. Suada Sulejmanović, Doc.dr. Džanina Omićević, Doc.dr. Hata Milišić, Doc.dr. Adis Skejić, Doc.dr. Žanesa Ljevo, Doc.dr. Ismar Imamović, Doc.dr. Senad Medić, Doc.dr. Anis Balić, Doc.dr. Emina Hadžalić, Doc.dr. Emir Karavelić, Doc.dr. Emina Hajdo, Doc.dr. Haris Kalajdzisalihović, Viši asistent Jelena Medić (K), Viši asistent Nerma Lazović (H), Viši asistent Alma Džubur (H), Viši asistent Ammar Šarić (S), Viši asistent Damir Hasanspahić (Mat.), Asistent Nedim Kulo (G), Asistent Mladen Kapor (Geot.i geol.), Asistent Samir Suljević (K)

**Studenti:** Adelisa Subašić, Izet Nanić, Emina Džaferović

**Ostali prisutni (obavješteni putem e-maila):** Sabina Bajrić, sekretar fakulteta

Elektronska sjednica je započela u 10.00 sati.

Sjednicom Vijeća je predsjedavao prof.dr. Samir Dolarević, dekan Građevinskog fakulteta na osnovu čije saglasnosti, a u skladu sa obavezom poštivanja svih mjera Kriznog stožera Federalnog ministarstva zdravstva i Vlade Federacije BiH, u cilju sprječavanja i kontrole epidemije izazvane novim koronavirusom (COVID-19), je članovima Vijeća putem e-maila dostavljen Poziv za održavanje V sjednice – elektronske – zakazane za 10.05.2021. godine sa naznakom termina izjašnjavanja u terminu od 10.00 do 12.00 sati.

Od ukupno 43 člana Vijeća Građevinskog fakulteta u utvrđenom terminu glasanja glasanju je pristupilo 39 članova, a 4 člana Vijeća se nisu izjasnili: prof.dr. Adnan Ibrahimbegović, Adelisa Subašić (studentica), Izet Nanić (student) i Emina Džaferović (studentica).

Na prijedlog dekana usvojen je sljedeći:

### DNEVNI RED:

- I Usvajanje Zapisnika sa V sjednice Vijeća Građevinskog fakulteta, održane 12.04.2021. godine;
- II Izveštaj Komisije za ocjenu radne verzije projekta doktorske disertacije pod nazivom "Primjena dinamičkih simulacija na postrojenja za prečišćavanje komunalnih otpadnih voda sa aktivnim muljem", kandidatkinje Alme Džubur, dipl.ing.građ. i utvrđivanje prijedloga Komisije za odbranu doktorske disertacije;
- III Izveštaji Komisije za pripremanje prijedloga za izbor u naučnonastavna zvanja vanredni profesor za naučnu oblast "Saobraćajnice", po konkursu objavljenom u dnevnim novinama "Oslobođenje" i web stranici Građevinskog fakulteta i Univerziteta u Sarajevu dana 04.03.2021. godine;
- IV Prijemni ispit za upis studenata na prvi (I) ciklus studija studijskog programa građevinarstvo i geodezija i geoinformatika u akademskoj 2021./2022. godini;
- V Imenovanje Centralne komisije za provođenje postupka prijema kandidata u prvu godinu prvog (I) i drugog (II) ciklusa studija studijskog programa građevinarstvo i geodezija i geoinformatika u akademskoj 2021./2022. godini;

- VI Imenovanje Komisije za prijem i upis studenata u prvu godinu prvog (I) i drugog (II) ciklusa studija studijskog programa građevinarstvo i geodezija i geoinformatika u akademskoj 2021/2022. godini.
- VII Izvještaj Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Univerzitetima u BiH o ekvivalenciji stručnog zvanja ranije stečenog na Građevinskom fakultetu po zahtjevu Elme Mustajbašić;
- VIII Utvrđivanje Prijedloga Pravilnika o unutrašnjoj organizaciji i sistematizaciji radnih mjesta na Građevinskom fakultetu Univerziteta u Sarajevu nakon dostavljenog Mišljenja Ministarstva za nauku, visoko obrazovanje i mlade Kantona Sarajevo;
- IX Molba studenta Enesa Karadžića za promjenu teme završnog rada i mentora u Komisiji za ocjenu i odbranu završnog rada;
- X Izvještaji Komisija za ocjenu i odbranu završnog rada studenata na drugom ciklusu studija :
  - a) studenta Semira Selimovića na Odsjeku za Geodeziju i geoinformatiku ;
  - b) studenta Bojana Jelića na Odsjeku za konstrukcije
  - c) studenta Harisa Karača na Odsjeku za konstrukcije
  - d) studentice Adne Raščić na Odsjeku za saobraćajnice
- XI Utvrđivanje prijedloga odluke o produženju roka za izbor u više zvanje višem asistentu Nermi Lazović, dipl.ing.građ. za dvanaest (12) mjeseci;
- XII Donošenje odluke o usvajanju kombinovanog načina odvijanja praktične nastave u okviru predmeta "Stručna praksa" (III godina, VI semestar, I ciklus građevinarstva).

#### Ad/I

Članovi Vijeća su putem e-mail korespodencije pozvani da se izjasne o Zapisniku sa V sjednice Vijeća Građevinskog fakulteta, održane 12.04.2021. godine.

Na Zapisnik sa V sjednice Vijeća Građevinskog fakulteta, održane 12.04.2021. godine nije bilo primjedbi, te je isti jednoglasno usvojen.

#### Ad/II

Jednoglasno je donesena sljedeća:

### ODLUKA

#### I

Usvaja se Izvještaj Komisije za ocjenu radne verzije projekta doktorske disertacije kandidatkinje Alme Džubur, dipl.ing.građ pod nazivom "Primjena dinamičkih simulacija na postrojenja za prečišćavanje komunalnih otpadnih voda sa aktivnim muljem", zaveden pod brojem 06-3-156-32/19 od 23.04.2021. godine.

#### II

Predlaže se Senatu Univerziteta u Sarajevu da prihvati prijedlog doktorske disertacije kandidatkinje Alme Džubur, dipl.ing.građ pod nazivom "Primjena dinamičkih simulacija na postrojenja za prečišćavanje komunalnih otpadnih voda sa aktivnim muljem" i imenuje Komisiju za odbranu doktorske disertacije u sastavu:

1. Prof.dr.Zoran Milašinović, dipl.ing.građ., redovni profesor Građevinskog fakulteta Univerziteta u Sarajevu (oblast: Hidrotehnika i okolišno inženjerstvo) – predsjednik komisije;
2. Prof.dr.Amra Serdarević, dipl.ing.građ., vanredni profesor Građevinskog fakulteta Univerziteta u Sarajevu (oblast: „Hidrotehnika i okolišno inženjerstvo“), mentor i član komisije;
3. Prof.dr. Suvada Šuvalija, dipl.ing.građ., vanredni profesor (oblast: „Hidrotehnika i okolišno inženjerstvo“), član komisije.

#### III

Odluka Vijeća će biti dostavljena Senatu Univerziteta u Sarajevu radi daljnjeg postupka imenovanja Komisije.

#### Ad/III

Jednoglasno je donesena sljedeća:

### ODLUKA

I

Usvaja se Izvještaj Komisije za pripremanje prijedloga za izbor u naučnonastavno zvanje vanredni profesor za naučnu oblast «Saobraćajnice», zaveden pod brojem: 02-1-76-10/21 od 25.04.2021. godine.

II

Utvrđuje se prijedlog za izbor docent **dr.sc. Suade Sulejmanović, dipl.ing.građ.** u naučnonastavno zvanje **vanredni profesor za naučnu oblast «Saobraćajnice»** na Građevinskom fakultetu Univerziteta u Sarajevu.

III

Odluku dostaviti Senatu Univerziteta u Sarajevu na dalji postupak.

#### Ad/IV

Jednoglasno je donesena sljedeća:

### ODLUKA

I

Za upis studenata na I ciklus studija studijskih programa građevinarstvo i geodezija i geoinformatika na Građevinskom fakultetu Univerziteta u Sarajevu za akademsku 2021./2022. godinu neće biti organizovano polaganje prijemnog ispita.

II

Izbor kandidata vršit će se na osnovu odgovarajuće odluke o kriterijima i mjerilima za utvrđivanje redoslijeda prijema kandidata za upis u prvu godinu I ciklusa i integriranog studija na Univerzitetu u Sarajevu u studijskoj 2021/2022. godini, koja će biti sastavni dio konkursa za upis u prvu godinu prvog ciklusa studija i integriranog studija u studijskoj 2021./2022. godini, koji se organizira na fakultetima i akademijama Univerziteta u Sarajevu. Rang listu prijavljenih kandidata za upis studenata na I ciklus studija formirat će se primjenom jedinstvenog informacionog sistema eUNSA, sve do popune upisne kvote, odnosno odobrenog broja studenata u odgovarajućim statusima.

#### Ad/V

Jednoglasno je donesena sljedeća:

### ODLUKA

o imenovanju Centralne komisije za provođenje postupka prijema kandidata u prvu godinu prvog (I) i drugog (II) ciklusa studija građevinarstva i studija geodezije i geoinformatike

I

U Centralnu komisiju za provođenje postupka prijema kandidata u prvu godinu prvog i drugog ciklusa studija studijskog programa građevinarstva i studijskog programa geodezije i geoinformatike u akademskoj 2021/2022. godini, imenuju se:

1. Prof. dr. Emil Ilić – Georgijević, predsjedavajući Komisije
2. Prof.dr. Goran Simonović, član
3. Prof. dr. Amra Serdarević, član
4. Prof. dr. Admir Mulahusić, član
5. Prof.dr. Sanjin Albinović, član.

II

Zadatak Centralne komisije je da verificira Preliminarnu rang-lista svih primljenih i prijavljenih kandidata koja se objavljuje putem informacionog sistema eUNSA kao i da istu objavi na oglasnoj ploči/web stranici fakulteta (pod šifrom koju su kandidati dobili prilikom registracije), najkasnije dva dana od dana nakon isteka roka za podnošenje prijave na odgovarajući prijavni rok Konkursa.

Na preliminarnu rang-listu kandidati imaju pravo prigovora u roku od tri dana od dana objave iste, o kojima Centralna komisija sačinjava izvještaj i isti dostavlja Vijeću fakulteta.

Vijeće fakulteta je obavezno donijeti odluku u roku od tri dana.

Odluka Vijeća po prigovoru je konačna.

Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru.

Konačna rang-lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici fakulteta.

### III

Zadatak Centralne komisije je da verificira Preliminarnu rang-lista svih primljenih i prijavljenih kandidata za upis u prvu godinu drugog ciklusa studija studijskog programa građevinarstva i studijskog programa geodezije i geoinformatike u studijskoj 2021./2022. godini i Odluke Vijeća Građevinskog fakulteta Univerziteta u Sarajevu od 10.03.2020. godine o dodatnim uslovima (pored prosječne ocjene ostvarene na I ciklusu studija) prilikom upisa na II ciklus studija studijskih programa građevinarstva i geodezije i geoinformatike, koja se objavljuje putem informacionog sistema eUNSA kao i da istu objavi na oglasnoj ploči/web stranici fakulteta (pod šifrom koju su kandidati dobili prilikom registracije), najkasnije dva dana od dana nakon isteka roka za podnošenje prijave na odgovarajući prijavni rok Konkursa.

Na preliminarnu rang-listu kandidati imaju pravo prigovora u roku od tri dana od dana objave iste, o kojima Centralna komisija sačinjava izvještaj i isti dostavlja Vijeću fakulteta.

Vijeće fakulteta je obavezno donijeti odluku u roku od tri dana.

Odluka Vijeća po prigovoru je konačna.

Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru.

Konačna rang-lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici fakulteta.

### IV

Centralna komisija podnesi Izvještaj Vijeću fakulteta sa prijedlogom konačne liste prijavljenih kandidata za upis u prvu godinu prvog i drugog ciklusa studija studijskog programa građevinarstva i studijskog programa geodezije i geoinformatike u prvom i drugom upisnom roku u akademskoj 2021/2022. godini.

### Ad/VI

Jednoglasno je donesena sljedeća:

### ODLUKA

o imenovanju Komisije za prijem i upis studenata u prvu godinu prvog i drugog ciklusa studija studijskog programa građevinarstva i studijskog programa geodezije i geoinformatike

#### I

U Komisiju za prijem i upis studenata u prvu godinu prvog i drugog ciklusa studija studijskog programa građevinarstva i studijskog programa geodezije i geoinformatike u akademskoj 2021/2022. godini, imenuju se:

1. Doc.dr. Hafa Milišić, predsjedavajući
2. Doc.dr. Džanina Omičević, član
3. Doc, dr. Emir Karavelić, član
4. Viši asistent Ammar Šarić, član
5. Viši asistent Alma Džubur, član
6. Viši asistent Damir Hasanspahić, član
7. Asistent Nedim Kulo, član
8. Pilić Amar, član,
9. Kvoco Mersiha, član

#### II

Zadaci Komisije iz tačke I ove odluke su:

- da izvrši verifikaciju online zaprimljenih dokumenata, prijem i upis studenata u prvu godinu studija u skladu sa odgovarajućom odlukom o kriterijima i mjerilima za utvrđivanje redoslijeda prijema kandidata za upis u prvu godinu prvog ciklusa i integriranog studija na Univerzitetu u Sarajevu u studijskoj 2021/2022. godine  
- da izvrši i ocjenu relevantnih predmeta za svaki pojedinačni smjer na drugom ciklusu studija studijskog programa građevinarstva i studijskog programa geodezije i geoinformatike, u skladu sa Odlukom Vijeća Građevinskog fakulteta Univerziteta u Sarajevu od 10.03.2020. godine o dodatnim uslovima (pored prosječne ocjene ostvarene na I ciklusu studija) prilikom upisa na II ciklus studija studijskih programa građevinarstvo i geodezija i geoinformatika.

Komisija je dužna da obezbjedi sigurnost i tajnost podataka i dokumentacije.

#### Ad/VII

Jednoglasno je donesena sljedeća:

### ODLUKA

o ekvivalenciji ranije stečenog zvanja

I

Elma Mustajbašić, rođena 19.12.1975.godine u Bijelom Polju, Općina Bijelo Polje, država Crna Gora, na Građevinskom fakultetu Univerziteta u Sarajevu završila je dana 17.07.2019. godine studij za sticanje visoke stručne spreme, odsjek za konstrukcije i dana 07.12.2019. godine izdata joj je diploma pod brojem: 3158/2019 o stečenom stručnom nazivu „Diplomirani inženjer građevinarstva“.

Ovaj studij je ekvivalentan završenom master studiju i vrijedi 300 ECTS bodova.

Stručni naziv „Diplomirani inženjer građevinarstva“ odgovara akademskoj tituli i stručnom zvanju:

#### **Magistar građevinarstva-diplomirani inženjer građevinarstva, smjer Konstrukcije**

koje se stiče završetkom II ciklusa studija građevinarstva, smjer konstrukcije na Građevinskom fakultetu Univerziteta u Sarajevu.

II

U skladu sa tačkom I ove Odluke podnositeljici zahtjeva Elmi Mustajbašić će biti izdato uvjerenje o ekvivalenciji ranije stečene akademske titule, odnosno naučnog i stručnog zvanja na Građevinskom fakultetu Univerziteta u Sarajevu.

#### Ad/VIII

U skladu sa Mišljenjem Ministarstva za obrazovanje, nauku i mlade Kantona Sarajevo br. 27/02-02 -2897/21 od 10. 03. 2021. godine, na prijedlog Komisije za izradu Prijedloga Pravilnika o unutrašnjoj organizaciji i sistematizaciji radnih mjesta na Građevinskom fakultetu Univerziteta u Sarajevu, većinom glasova (38 ZA i 1 glas SUZDRŽAN) donesena je sljedeća

### ODLUKA

I

Utvrđuje se Prijedlog Pravilnika o unutrašnjoj organizaciji i sistematizaciji radnih mjesta na Građevinskom fakultetu Univerziteta u Sarajevu, koji je sastavni dio ove Odluke.

II

Prijedlog Pravilnika o unutrašnjoj organizaciji i sistematizaciji radnih mjesta na Građevinskom fakultetu Univerziteta u Sarajevu će biti dostavljen Upravnom odboru Univerziteta u Sarajevu na daljnji postupak.

#### Ad/IX

Na Molbu studenta Enesa Karadža, uz saglasnost prodekana za nastavu, jednoglasno je donesena sljedeća

### ODLUKA

Studentu Enesu Karadža se dozvoljava promjena teme završnog rada na II ciklusu studija studijskog programa geodezije i geoinformatike:

- ranija tema - «Komponente i faktorske analize geoprostornih baza podataka u svrhu uspostave baznog geoinformacionog sistema za praćenje i zaštitu od poplava u slivu rijeke Une na području Unsko-sanskog kantona»

Mentori: prof.dr. Admir Mulahusić i prof.dr. Nusret Drešković

- nova tema – «Primjena R jezika za statističku i grafičku prezentaciju podataka».

Mentor: Doc.dr. Džanina Omičević, dipl.ing.geod.

#### Ad X

- a) Jednoglasno je donesena sljedeća:

### ODLUKA

I

Usvaja se Izvještaj Komisije za ocjenu i odbranu završnog rada studentice II (drugog) ciklusa studijskog programa građevinarstva, smjer saobraćajnice, Adne Raščić, pod naslovom "Analiza kritičnih dionica magistralnih cesta

FBiH na uticaj od poplava u slivu rijeke Save i mjere zaštite", zaveden pod brojem: 06-2-709-1/21 od 05.05.2021.godine.

II

Prihvata se završni rad studentice Adne Raščić, pod naslovom "Analiza kritičnih dionica magistralnih cesta FBiH na uticaj od poplava u slivu rijeke Save i mjere zaštite" i odobrava odbrana završnog rada.

b) Jednoglasno je donesena sljedeća:

### ODLUKA

I

Usvaja se Izvještaj Komisije za ocjenu i odbranu završnog rada studenta II (drugog) ciklusa studijskog programa građevinarstva, Bojana Jelića, pod naslovom "3D numeričko modeliranje statičkog testa nosivosti aksijalno opterećenih šipova u nekoherentnom tlu", zaveden pod brojem: 06-2-674-1/21 od 05.05.2021.godine.

II

Prihvata se završni rad studenta Bojana Jelića, pod naslovom "3D numeričko modeliranje statičkog testa nosivosti aksijalno opterećenih šipova u nekoherentnom tlu" i odobrava odbrana završnog rada.

c) Jednoglasno je donesena sljedeća:

### ODLUKA

I

Usvaja se Izvještaj Komisije za ocjenu i odbranu završnog rada studenta II (drugog) ciklusa studijskog programa građevinarstva, smjer konstrukcije, Harisa Karača, pod naslovom "Samostojeći čelični antenski toranj visine 160m", zaveden pod brojem: 06-2-712-1/21 od 05.05.2021.godine.

II

Prihvata se završni rad studenta Harisa Karača, pod naslovom "Samostojeći čelični antenski toranj visine 160m" i odobrava odbrana završnog rada.

d) Jednoglasno je donesena sljedeća:

### ODLUKA

I

Usvaja se Izvještaj Komisije za ocjenu i odbranu završnog rada studenta II (drugog) ciklusa studijskog programa geodezije i geoinformatike, Semira Selimovića, pod naslovom "Geodetski premjer fasada za potrebe energetske sanacije zgrada", zaveden pod brojem: 06-2-502-1/21 od 04.05.2021.godine.

II

Prihvata se završni rad studenta Semira Selimovića, pod naslovom "Geodetski premjer fasada za potrebe energetske sanacije zgrada" i odobrava odbrana završnog rada.

Ad XI

Jednoglasno je donesena sljedeća:

### ODLUKA

I

Utvrđuje se prijedlog za odobravanje produženje roka za izbor u više zvanje Nermi Lazović, dipl.ing.građ. u zvanju viši asistent na naučnoj oblasti „Konstrukcije“, za period od dvanaest (12) mjeseci, odnosno vrijeme provedeno na porodiljskom odsustvu (u periodu od 07.12.2015. do 06.12.2016. godine).

II

Imenovanj će se produžiti ugovor o radu za period iz stava 1. ove Odluke.

III

Ova Odluka se dostavlja na daljnju proceduru Senatu Univerziteta u Sarajevu.

Ad XII

Jednoglasno je donesena sljedeća:

## ODLUKA

I

Zbog pogoršanje epidemiološke situacije, u skladu sa obavezom poštivanja svih mjera Kriznog štaba Ministarstva zdravstva Kantona Sarajevo, a u cilju sprječavanja i kontrole epidemije izazvane korona virusom (COVID-19), te zbog odbijanja pojedinih građevinskih firmi za prijem studenata na gradilišta na kojima se održava praktična nastava, kao i zbog odbijanja za učešće u online prezentaciji predmetne nastave, odobrava se kombinovani način odvijanja praktične nastave u okviru predmeta "Stručna praksa" (III godina, VI semestar, I ciklus građevinarstva).

Kombinovani način odvijanja praktične nastave u okviru predmeta "Stručna praksa" (III godina, VI semestar, I ciklus građevinarstva), podrazumijeva da se dio praktične nastave u skladu sa mogućnostima odvija na terenu, a drugi dio online (prezentacija projekata građevinskih firmi u obliku video zapisa, koji će biti studenti dostupni na online platformi, uz mogućnost naknadnih pojašnjenja i rasprava o istim).

U skladu sa naprijed navedenim, a cijeneći objektivne okolnosti na koje Građevinski fakultet nije mogao utjecati, utvrđuje se mogućnost da puni fond sati praktične nastave u skladu sa planovima i programima neće biti ispunjen, ukoliko se naknadno do isteka tekuće studijske godine, po odobrenju nadležnih organa i uz pristanak građevinskih firmi, ne steknu uslovi za nadoknadu fonda sati praktične nastave.


II

Za realizaciju ove Odluke zadužuju se predmetni nastavnik i prodekan za nastavnonaučni rad.

Izjašnjavanja članova Vijeća Građevinskog fakulteta Univerziteta u Sarajevu sa V elektronske sjednice, održane dana 10.05.2021. godine, su sastavni dio ovog Zapisnika.

Zapisnik vodila:

Sabina Bajrić, dipl. pravnik



02-1-110-1/24

11.05.2021

DEKAN

Prof.dr. Samir Dolarević, dipl.ing.građ.

